



DS


735

A2W8

19--

V.33





尺木堂綱鑑易知錄卷七二

周之炯靜專

綱目續編定本

山陰吳乘權楚材同輯

周之燦星若

宋紀

神宗皇帝

蘇緘忠節

綱丙辰九年春正月交趾陷邕雍州知州事蘇緘死

之。邕交人圍邕今廣西南寧府知州蘇緘悉力拒守。外援不

至。城遂陷。緘義不死賊手。命其家三十六人皆先死。

藏尸於坎。乃縱火自焚。城中人感絨之義。無一人從賊者。於是交人盡屠其民。凡五萬八千餘口。事聞。詔

贈絨奉國節度使。謚曰忠勇。**綱**章惇招降五溪蠻。惇

湖北提刑李平招降之。遂城下溪州。賜名會溪。今湖廣永順軍民宜

慰使**綱**二月。以郭達為安南。見上卷招討使。王

石聞欽廉陷。不悅。會得交人露布。見五四言中國作

青苗助役之法。窮困生民。今出兵欲相拯。整也。救也。濟安

石怒。自草敕。榜詆之。而以天章閣待制趙鼎。肩為招

討使。宦者李憲為副將。兵討之。既而鼎與李憲議事

不合帝因問禹孰可代憲禹言達老於邊事願以為

使而已副之帝從其言仍詔占城即林邑見四占臘

亦名真臘合擊交阯綱秋七月御史中丞鄧綰有罪

免見上卷呂惠卿既出守陳見上卷而張若濟之獄見上

久不成王雱令門下客呂嘉問練亨甫共取鄧綰所

列惠卿事雜他書下制獄王安石不知也省吏告惠

呂惠卿訟
王安石

卿於陳惠卿以狀聞且訟安石盡棄所學隆尚縱宗

橫宏之末數方命虞書方命圯族注方命逆命而不

族猶言敗類矯令罔上要邀也。圯音痞君帝以狀示安石安石

綱鑑易知錄 卷七十二 宋神宗

謝無有歸以問雋雋言其情安石咎之雋忿患疽發背死帝頗厭安石所爲綰慮安石去失勢乃上書言宜錄安石子及堦仍賜第京師帝以語去聲安石安石

去聲

安石安石

曰。縮爲國司直。而爲宰臣。乞恩澤。極傷國體。當黜之。

帝以綰操心頗

坡

僻賦性姦回論事薦人不循分守

斥知虢州

今河南河南府盧氏縣

綱

八月罷

驢

祠廟目司農

歸伯微子
廟在弼中

粥祠廟於民應天府

卷二五

邊伯

堯 高

辛氏之子爲
火正堯遷之

於商丘左傳

襄

公九

年陶

唐氏

之火

正

微子

成王封

闕伯居商丘。於宋以紹殷。

後口

商丘廟

張方平託
劉摯為奏

此往見判府張方平曰。獨不能為朝廷言之邪。方平

覺然驚顧貌託摯為奏曰。闕伯遷商丘。主祀炎火。為

國家盛德所乘。見六四卷四微子宋始封之君。開國此地。

亦本朝受命建號所因。見同上又有雙廟。在歸德府治西乃唐

張巡許遠。見五十一卷孤城死敗。能捍大患。今若令承

買。小人規利。冗褻瀆慢。何所不為。歲收微細。實傷國

體。乞置此三廟。以慰邦人崇奉之意。疏上。帝大震怒。

批牘尾曰。慢神辱國。無甚於斯。於是天下神廟皆得

罷。弼綱冬十月。王安石免。以吳充王珪同平章事。馮

乞置三廟

京知樞密院事。安石之再相也。屢謝病求去。及子

男死。尤悲傷不堪。力請解機務。帝益厭之。乃以使相

見五九判江寧府。見上卷二尋改集禧觀。使安石既

退。處金陵。往往寫福建子三字。蓋深悔為呂惠卿福建

寫福建子三字

泉州府人所誤也。充子安持雖娶安石女。而充心不善安

石。所為數。為帝言新法不便。帝察充中立無與。及

吳充薦賢

安石免。遂相之。充欲有所變革。乞召司馬光。呂公

著。韓維。蘇頌。及薦孫覺。李常程。顥等。十人。光自洛

貽書充曰。自新法之行。中外洶洶。民於煩苛。迫於

司馬光貽書吳充

寒猶未至
膏肓

誅斂愁怨流離轉死溝壑。日夜引領冀以廷覺悟。一
變敝法。今日救天下之急。當罷青苗免役保甲市易。
而息征伐之謀。欲去此五者。必先別利害。開言路。以
悟人主之心。今病雖已深。猶未至膏肓。荒。心下為
膏肓。膈也。左
傳。成公十年。晉侯疾病。求醫於秦。秦伯使醫緩為之。
未至。公夢疾為二豎子。曰。彼良醫也。懼傷我。焉逃之。
其一曰。居肓之上。膏之下。若我何。醫至。曰。疾不可為。
也在肓之上。膏之下。攻之不可。達之不及。藥不至焉。
不可為也。公曰。良醫也。為治也。攻灸也。達針也。失今不治。遂為痼疾矣。充
不能用。呂惠卿告安石罪。發其私書。有無使上知及
勿令齊年知之語。京與安石同年生。故云。帝以安石

宣者節制
諸軍

為欺而賢京故名用之。**綱**十二月郭達敗交趾兵于

富良江

在安南國

李乾德降

綱詔宣者李憲節制秦鳳

七卷

熙河

見上卷

諸軍

綱丁巳十年春二月王韶免**目**韶與王安石有隙且

以勤兵遠略歸曲朝廷帝亦不悅數**朔**以母老乞歸

乃出知洪州

今江西南昌府

綱秋七月河決澶

蟬

州今直隸大名府

開州

綱九月河南今河南府邵雍卒**目**雍天性高邁迥出

千古而坦夷溫厚不見**現**圭角時新法行吏牽迫不

可為或投劾

見一十卷十四

去雍門生故友居州縣者或貽

河南邵雍

書訪之。雍曰：此賢者所當盡力。時新法固能寬

一分則民受一分之賜矣。投劾益邪。程頤嘗與雍

兼夫內聖外王之學議論終日。退而歎曰：堯夫康節字

聖外王之學也。雍

知慮絕人。遇事能前知。程頤嘗曰：其心虛明。自能知

之。及疾病。司馬光張載頤頤晨夕候之。卒年六十七。

明道為康節銘墓

頤為銘墓。稱雍之學。純一不雜。汪洋浩大。就其所至

而論之。可謂安且成矣。所著皇極經世觀物內外篇

漁樵問對傳於世。元祐中。賜諡康節。

邵雍周氏曰：雍未嘗出仕。乃布衣耳。何以書錄。賢哉。然何為特書河南。而不曰處士。蓋雍著書

立言抱道自樂雖躬逢盛世而無一毫富貴之心天性高邁迥出千古而程子稱其純一不雜汪洋浩大就其所至而論之可謂安且成矣是誠豪傑之才聖賢之學耳豈他處士者之可比哉綱目書曰河南處士則不足以盡其美必曰河南邵雍卒表其為河南之人豪傑出其在者其予之深矣此皆綱目之特筆也

綱冬十一月同知太常禮院張載卒。載自崇文

見七十卷叶八終日危坐一室左右簡編俯而讀仰而思有得則識至之。或中夜起坐取燭以書其志道精思未

有得則識

嘗須臾息也。敝衣疏食。寺與諸生講學每告以知禮成性變化氣質之道學必如聖人而後已以為知人

橫渠先生

而不知天。求爲賢人而不求爲聖人。此秦漢以來學者大弊也。故其學以易爲宗。以中庸爲體。以孔孟爲法。黜怪妄。辨鬼神。其家婚喪葬祭率用先王之意。而傳附以今禮。又論定井田學校之法。皆欲條理成書。使可舉而措諸事業。呂大防薦之。召同知太常禮院。以疾歸而卒。世稱橫渠先生。所著正蒙。西銘。行於世。程頤言西銘明理一而分殊。擴前聖所未發。與孟子性善養氣之論同功。

綱戊午元豐元年春閏正月會孝寬罷以孫固同知

樞密院事。曰初固與王安石議新法不合。出知真定。

今直隸真定府。

至是帝思其先見召用之。綱秋九月以呂公

著薛向同知樞密院事。曰公著在翰林帝嘗以釋老

之事語之。公著曰堯舜知此道乎。帝曰堯舜豈不知

公著曰堯舜雖知此而惟以知人安民爲難。所以爲

堯舜也。帝默然。向幹局絕人。尤善商財計。算無遺策

爲陝西轉運副使。八年改三司使。洮河

見上卷十一

用兵

資用浩繁。向未嘗乏供給。用心至到。然不能不病民

王安石方尚功利。從中主之。雖御史有言不聽也。故

益得展奮由文俗吏得大用。**綱**冬復置大理獄。

綱己未二年春二月召程顥判武學既而罷之。**目**顥

自知扶溝縣。今河南開封府扶溝縣召判武學命下數日李定

何正臣劾其學術迂闊趨向僻異且新法之初首為

異論復罷之呂公著上疏言方朝廷脩改法度之初

凡在朝野孰無論議陛下兼包豈悉記錄而小人賊

害指目未已如顥者陛下早自知之其立身行已素

有本末昔在言路。謂為御史見七十卷十二時有論列皆辭意忠

厚不失臣子之體兼所除武學亦未為仕宦要津而

呂公著諫
罷程顥

綱鑑易知錄

卷一百一十二

小人斷斷見十七必以為不可者直欲深梗正路其

所措意非特一二人而已疏奏不納願竟歸故官綱

夏五月元絳罷以蔡確參知政事目確善觀人主意

與時上下以王安石薦再調去聲監察御史因為之用

知帝已厭安石即論安石乘馬入宣德門與衛士競

以賈直文彥博言濬川杷琵琶非濬河之具熙寧六年十月外都

水監丞王令圖以河北流閉已久請開脩直河王安石

石言於帝曰開直河則水勢分其不可開者以近河

每開數尺即見水不容施功今第見水即以濬川杷
濬之苟置數千杷則諸河淺澱皆非所患歲可省開
濬之費幾百千萬
帝遣知制誥熊本行上聲視察視也以

濬音電濁泥也

文彥博言為是。確遂論本附彥博本坐罷確因代其

職改知諫院判司農事。覲記。希幸也。欲得臺端因論中

丞鄧潤甫御史上官均按獄失實潤甫均皆罷而確

得中丞猶領司農會太學生虞蕃訟博士受賄確深

探其獄連引朝士自翰林學士許將及元絳子者寧

以下皆逮見十卷十九繫遂劾絳為子有所屬祝請出知

亳州今江南鳳陽府亳州確遂代其位確自諫院為參知政事

皆以起獄奪人位而居之士大夫交口叱罵而確自

以為得計也吳充數為帝言新法不便欲稍去甚者

蔡確皆以起獄奪人位

確曰曹參與蕭何有隙。至代為相。一遵何約束。見十卷

二。今陛下所自建立。豈容一人挾怨而壞之。法遂

不變。**綱**冬十月太皇太后曹氏崩。**義**廣太皇太后者仁宗之后太尉彬

之孫也。觀其訓神宗之言。宛然乃祖。不嗜殺人。之仁也。當時仁宗廢郭后而立太后。則太尉之德蓋可見矣。雖然。要亦杜太后作則於始。

杜太后作則於始。高氏史稱為女中堯舜。神宗之后向氏。哲宗之后孟氏。皆有賢德。著稱。豈非

以其源流之深長也哉。**目**帝事太后極誠孝。后亦慈

愛天至。故事。外家男子母得入謁。帝以后春秋高。數

朔請召弟侂入見。久之乃許。及見。少頃。后謂侂曰。此

非汝所當得留趣。促遣出焉。帝嘗有意於燕薊。見六卷

杜太后作則於始源流深長

三一。幽薊。已與大臣定議。乃詣太后白其事。后曰事

體至大吉。凶悔吝。生乎動。吝。羞也。蓋吉凶相對而悔吝。蓋其中開悔自凶而趨

吉。吝。自吉而向凶也。易繫辭下得之。不過南而受賀

傳。吉凶悔吝者。生乎動者也。得之。不過南而受賀

而已。萬一不諧。則生靈所繫。未易以言。苟可取之。太

祖太宗收復久矣。何待今日。帝曰。敢不受教。綱下知

湖州蘇軾獄。貶為黃州團練副使。目軾自徐今江南

蘇軾以詩託張

從湖今浙江上表以謝。又以事不便民者不敢言。以

詩託諷。庶有益於國中。丞李定御史舒亶撻也。其

詔以為侮慢。因論軾自熙寧以來。作為文章。怨謗君

明益易知錄 卷七 宋神宗

父交通戚里逮

見十卷十九

軾赴臺獄詔定與知諫院張

璪御史何正臣舒亶等雜治之定等媒孽

見十四卷三十一

以

爲誹謗時事鍛鍊久之且多引名士欲寘之死太皇

太后曹氏違豫中聞之謂帝曰嘗憶仁宗以制科得

軾兄弟喜曰吾爲子孫得兩宰相今聞軾以作詩繫

獄得非仇人中傷之乎

摭摭也見四卷十六

至於詩其過

微矣宜熟察之帝曰謹受教吳充申救甚力帝亦憐

之會同脩起居注王安禮從容白帝曰自古大度之

君不以言語罪人軾以才自奮謂爵祿可立取顧碌

蘇軾詠檜

碌如此其心不能無歎歎望也今一旦致於理大

獄恐後世謂陛下不能容才帝曰朕固不深譴也行

為卿贊射也之第去勿漏言軾方買結怨於衆是言

者緣以害卿也王珪復舉軾詠檜木名柏葉松身詩曰根到

九泉無曲處世閒惟有蟄龍知以為不臣帝曰彼自

詠檜爾何預朕事軾遂得輕比避也舒亶又言駙馬

都尉王誥莘輩公為朋比如盛僑周邠固不足論君

司馬光張方平范鎮陳襄劉摯皆略能誦說先王之

言而所懷如此可置而不誅乎帝不從但貶軾黃州

今湖廣黃州府團練副使本州安置弟轍及誥皆坐謫貶張

方平司馬光范鎮等二十二人俱罰銅初鮮于侁莘

為京東轉運使以王安石呂惠卿當國正人不得立

鮮于侁薦

朝歎曰吾有薦舉之權而所列非賢恥也遂舉劉摯

李常蘇軾蘇轍劉邠范祖禹等及知揚州今江蘇揚州府會

軾自湖赴獄親朋皆絕與交道出廣陵州即揚州往見

之臺吏不許通或曰公與軾相知久其所往來文字

不忍欺君負友

書問宜焚之勿留不然且獲罪侁曰欺君負友吾不
忍為以忠義分謹則所願也至是以舉吏累謫主管

西京御史臺

綱庚申三年春正月以章惇參知政事三月英充罷

劉凡定雅樂

綱夏六月詔中書詳定官制詔秘書監劉凡

等定雅樂綱秋七月見五卷出太微天常垣詔羣

王安石禮星疏

臣直言闕夫臣王安石弟安禮應詔上疏曰人事失

於下變象見於上陛下有仁民愛物之心而澤不下

究意者左右大臣是非好惡未遵諸道乘權射利

者用力殫於溝瘠取利究於園夫足以干陰陽而名

星變願察親近之行杜邪枉之門至於祈禳小數賤

一指蔽目

損舊章恐非所以應天者。帝覽疏嘉歎。諭之曰。王珪

欲使卿條具。朕嘗謂不應沮格。閤人言以自壅障。今

以一指蔽目。雖泰華

泰山華山

在前弗之見。近習蔽其君

何以異此。卿當益自信。遂進翰林學士。知開封府。綱

九月。定百官寄祿格。目官制成。下詔行之。凡領空名

者。一切砌罷去。而易之以階。因以寄祿議者又欲罷

樞密院歸兵部。帝曰。祖宗不以兵柄歸有司。故事。命

官以統之。互相維制。何可廢也。遂止。帝嘗謂執政曰。

官制將行。欲新舊人兩用。指御史大夫曰。非司馬光

不可。王珪蔡確相顧失色。珪憂甚。不知所出。確曰：上

久欲收靈武。

故城在陝西寧夏衛城南。

公能任責，則相位可保也。

珪喜，謝之。因薦俞允帥慶

慶州，今陝西慶陽府。

使上平西夏。

秉常都夏州，即寧夏衛。

策其意以為既用兵，深入必不召。光雖

召將不至。已而光果不召。**綱**以馮京為樞密使，薛向

孫固、呂公著為副使，向尋免。

時同列質向以西北事多默不對，會詔民畜馬。

向既奉命，旋知民不便，欲改議。御史舒亶論其反覆無大臣體，斥知潁州。

綱辛酉四年春正月，馮京罷。以孫固知樞密院事。呂

公著、韓維同知院事。**綱**京再執政，初與王安石不合。

卷之三 十一

三入不惟
卿名

集河隄

後為呂惠卿所傾。中立不倚。人服其操。宋進士自鄉

舉至廷試。皆第一者才三人。王曾、宋庠為名宰相。俱

宗。京為名執政。不愧科名云。綱。三月。章惇有罪。免。以

張璪參知政事。綱。朱服為御史。惇密使客達意於服

為服所白。惇父俞又強占去聲民田。民遮訴惇。惇繫之

開封。事併聞。遂免知蔡州。今河南汝寧府綱。夏四月。築河隄

低。自大名。今直隸大名府至于瀛州。綱。河復大決。澶州。見上

小吳埽。埽。隄岸。日埽。詔都水監丞李立之經畫以聞。立之

言宜自北京。即大名府。見六八卷九。至瀛州。今直隸河間府。分立東西

立二侯廟

隄五十九埽。詔從之。綱五月立晉程嬰公孫杵臼見

人。卷十廟于絳州。今山西平陽府絳縣。報其存趙孤也。追贈嬰

成信侯。杵臼忠智侯。綱夏人幽其主秉常。秋七月。詔

李憲會陝西河東五路之師討之。綱知慶州。見上。俞

允知帝有用兵意。屢請西伐。又言。謀牒。今報云夏

將李清本秦人。說稅秉常以河南地。見十三來歸。秉

常母梁氏知之。遂誅清。奪秉常政而幽之。宣興師問

罪。此千載一時也。帝然之。遂詔熙河。見上經制李憲

等大舉征夏。而名鄜延。見上。副總管种諤入對。諤

孫固諫伐夏

孫固諫伐李憲

至大言曰。夏國無人。秉常孺子。往持其臂。以來爾。帝壯之。乃決意西伐。方議出師。孫固諫曰。舉兵易。解禍難。不可。帝曰。夏有釁。不取。則為遼人所有。不可失也。固曰。必不得已。請聲其罪。薄伐之。分裂其地。使其酋長自守。帝笑曰。此真酈生之說。酈生勸高帝立六國。後見九卷十九。爾固曰。然則孰為陛下任此者。帝曰。朕已屬。祝李憲。固曰。伐國大事。而使宦者為之。則士大夫孰可為用。帝不悅。他日。固又曰。今五路進師。而無大帥。就使成功。兵必為亂。帝諭以無其人。呂公著進曰。問罪之師。當

先擇帥。既無其人。曷若已之。固曰。公著言是也。帝不

聽。竟命李憲出熙河。种諤出鄜延。高遵裕出環慶。見六

七卷劉昌祚出涇原。見同王中正出河東。今山西太原府分

道並進。綱冬十一月。高遵裕等兵潰。會李憲不至靈

州。即靈武而還。見上

綱壬戌五年春正月。貶高遵裕等官。以李憲為涇原

經略安撫制置使。綱夏四月。御史中丞舒亶有罪。免

亶省詐為錄目以王珪為尚書左僕射。夜兼門下

侍郎蔡確為尚書右僕射。兼中書侍郎。章惇為門下

史彙征

侍郎張瑛為中書侍郎蒲宗孟為尚書左丞王安禮為尚書右丞

義國此正小人彙征之時也安禮獨如宋王何

官制成改同

中書門下平章事為左右僕射參知政事為門下中

書侍郎尚書左右丞確既相屢興羅織

見四六卷十二

之獄

縉紳士大夫重足而立富弼在洛上書確小人不宜

大用帝不從帝嘗語輔臣有無人才之歎宗孟率爾

對曰人才半為司馬光邪說所壞

怪

帝不語直視久

之曰蒲宗孟乃不取司馬光邪未論別事只辭樞密

一節朕自即位以來惟見此一人他人則雖迫之使

富弼諫相
察確

去亦不肯矣。宗孟慚懼，無以為容。時李憲乞再舉伐

夏，帝以訪輔臣。王珪對曰：「向所患者用不足，朝廷今

捐錢鈔五百萬緡，民錢。錢。買也。以供軍食，有餘矣。安禮曰：

鈔不可噉淡。食也。必變而為錢，錢又變為芻粟，今距出

征之期才兩月，安能集事？帝曰：「李憲以為已有備，彼

宦者能如是，卿等獨無意乎？」唐平淮蔡，憲宗元和十年正月吳元

齊反。至十二年十月平。惟裴度謀議與主同，今乃不出公卿而

出於閹寺，宦官也。朕甚恥之。安禮曰：「淮西三州爾有

裴度之謀，李光顏、李愬之將，然猶引天下之兵力，歷

王步錄
伐夏二

歲而後定。今夏氏之強。非淮蔡比。憲才非度匹。諸將非有光顏。愬輩臣懼。無以副聖志也。綱以曾鞏為中書舍人。綱鞏能文章。為歐陽脩所重。帝深知其才。命充史館脩撰。專典史事。至是命為中書舍人。時自三省百職事。選授一新除書。日至十數人。人舉其職。於訓辭典約而盡。未幾卒。呂公著嘗言於帝曰。鞏為人

訓辭典約而盡

朝獻景靈

行義不如政事。政事不如文章。以是不大用。綱呂公著罷。綱秋八月。詔歲以四孟月朝獻景靈宮。綱帝以先朝御容多寓寺觀。綱乃作十一殿於景靈宮。綱見六

徐禧城水樂

三凡神御皆迎入累朝文臣執政官武臣節度使以

上並圖形於兩廡凡執政官除拜赴宮恭謝其後南

郊先詣宮行薦享禮並如太廟

廟春祀夏禴秋嘗冬烝與夫大禘之禮

自有太廟常典神宗此舉其謂之何哉書綱給事中

徐禧護兵城永樂神謬西討不能如志知延州

今陝

西延安府沈括欲盡城橫山下瞰

苦濫反。俯視也。

平夏使虜不

得絕磧

迹。直度日絕。虜中沙漠日磧。

為寇謬遂上其策於朝且言

興功當自銀州

今延安府米脂縣

始帝以為然遣給事中徐

禧內侍李舜舉往鄜延

見議之禧至鄜延上言銀州

不如求樂

見下

之形勢險阨請先城求樂求樂依山無

水泉种諤極言其不可帝從禕議乃詔禕護諸將往

城之而命括移府並

傍依也

塞

饗總兵爲援陝西轉運

判官李稷主饋餉禕以諤跋扈

見二二三卷二五

奏留諤守延

州自率諸將往築十四日而成距故銀州治二十五

里賜名銀州砦禕等退還米脂以兵萬人屬

祝曲珍

守之

綱

九月夏人陷求樂徐禕等敗死禕等旣城

去九日夏人以數千騎來攻曲珍使報禕禕遂與李

舜舉李稷往援之留沈括守米脂比抵求樂夏人傾

水樂之敗

鐵鵠子軍

國而至。禧兵陳於城下。夏人縱鐵騎渡河。珍白禧曰。此鐵鵠耀子軍也。當其半濟。擊之。乃可以逞。得地則其鋒不可當也。禧不從。鐵騎既濟。震盪同衝突。大眾繼之。珍銳卒敗奔還。夏人乘之。珍衆大潰。會珍收餘衆入城。夏人圍之。且據其水砦。珍城中乏水。已數日。渴死者十六七。括與李憲援兵及饋餉。皆爲夏人所隔。不得前。种諤怨禧。不遣救師。會夜半大雨。夏人環城急攻。城遂陷。禧奔舉。穆皆爲亂兵所害。惟珍走免。將較死者數百人。喪士卒役夫二十餘萬。夏人耀兵

米脂城下而還。自熙寧

神宗年號以來用兵。得夏葭蘆。

安府

吳保

今延安府吳堡縣

義合

在延安府綏德州東

米脂浮圖

在綏德州

西

塞門

在延安府安塞縣

六堡而靈州

見上

求樂之役。官軍熟

羌義保死者六十萬人。錢穀銀絹不可勝計。事聞

帝臨朝痛悼。爲之不食。贈禧等官。而貶括爲均州。

今湖

廣襄陽府均州

團練副使。隨州

見上卷

安置。降珍爲皇城使。

自是帝始知邊臣不可倚信。深自悔咎。無意於西伐。

而夏人亦困弊矣。初帝之遣禧也。王安禮諫曰。禧志

大才疎。必誤國事。帝不聽。及敗。帝曰。安禮每勸朕勿

用兵少置獄蓋為是也

綱癸亥六年春二月夏人寇蘭州今陝西臨兆府蘭州貶李憲

為熙河見上都總管綱夏四月遼大雪平地丈餘

馬死者十六七綱閏六月司徒韓公富弼卒綱遺表

大略云陛下即位之初邪臣納說上誤聰明浸成禍

患今上自輔臣下自多士畏禍圖利習成敝風去年

求樂之役兵民死亡者數十萬今久戍怨未解百姓

困窮豈諱過恥敗不思救禍之時乎天地至仁寧與

羌夷較勝負願休兵息民使關陝之閒稍遂生理兼

四月遼大雪

富弼遺表

綱目

卷

宋神宗

陝西再團保甲。州縣奉行。勢侔星火。人情惶駭。不若
寢罷。以緩懷之。臣之所陳。急於濟事。若夫要道。則在
聖心所存。與所用之人。君子小人之辨。爾弼早有公
弼之望。名聞夷狄。遼使每至。必問其出處安否。臨事
周悉。不萬全不發。當其敢言。奮不顧身。忠義之性。老
而彌篤。家居一紀。斯須未嘗忘朝廷。計聞。贈太尉。諡
文忠。**綱**秋七月。孫固罷。以韓縝知樞密院事。安燾同
知院事。八月。蒲宗孟免。以王安禮李清臣爲尚書
左右丞。**綱**冬十一月。太師文彥博致仕。**綱**彥博自河

南洛陽也入朝帝嘉其輔立英宗而不伐其功

見六九加兩鎮節度使將行賜燕瓊林苑兩遣中使

遣去聲詩祖道見十六當世榮之至是請老以太師致

仕彥博之在河南也與富弼等用白居易故事居易

香山九老

稱香山居士與胡果等皆高年不仕於東都履道坊作尚齒會人繪為九老圖內惟狄兼謩年未六十

就弼第置酒相樂尚齒不尚官洛陽多名園古剎察

僧寺日剎梵言剎中華言竿即今幡柱諸老鬚眉皓

白衣冠甚偉都人常隨觀之已而圖形妙覺僧舍謂

之洛陽耆英會司馬光年未六十以狄兼謩故事

洛陽耆英會

與預焉。

孟子配食孔子

圖甲子。七年夏五月。詔以孟軻配食孔子。圖先是判

國子監常秩。請立孟軻。楊雄。

見十九卷九

像於廟庭。仍賜

爵號。又請追尊孔子為帝。下兩制禮官詳議。以為非

是而止。知鄆。

運州今山東兗州府鄆城縣。

曾孝寬復請加封孟

封孟子為鄆國公

子。乃詔封為鄆國。

今山東兗州府鄆縣。

公至是復詔孟子與顏

子並配孔子。又追封荀況。

見七卷十五

為蘭陵。

見同上。

伯楊

雄為成都。

今四川府。

韓愈為昌黎。

今直隸永平府昌黎縣。

伯從

祀廟庭。

圖鳴呼。

孟子配享其舉當矣。然封荀況楊雄。不可。予彼荀況嘗曰。亂天下者必孟

可馬光上
資治通鑑

子子也其於孟氏之道同子否乎楊雄
試屈原作楚辭以頌王莽是皆汲孔孟而
也以二子從祀綱秋七月王安禮罷綱冬十二月端
孔廟亦亦謬乎綱初光約戰國至秦
明殿學士司馬光上資治通鑑綱初光約戰國至秦
二世如左氏體為通志以進英宗悅之命續其事就
崇文殿開局許自選官屬得借龍圖天章俱閣三館
見六四秘閣書籍給御府筆墨情帛及御前錢以
卷四四供果餌以內臣為承受光遂與劉攽賓劉恕范祖禹
及子康編集帝即位賜名資治通鑑製序文賜之會
光出知永興軍見七十三以衰病乞閒閑乃差判西京

見上。留司御史臺及提舉崇福宮前後六任。聽以書
卷三。局自隨。光於是徧閱舊史。旁采小說。扶淵人摘揚幽聲。

隱較計毫釐。上起周威烈王二十三年。下終五代。又

略舉事目。年經國緯。以備檢尋。為目錄。又參考羣書。

評其同異。俾歸一塗。為考異合三百五十四卷。歷十

九年而成。至是上之。詔以光為資政殿學士。降詔獎

諭。

綱乙丑。八年春正月。帝有疾。三月。詔立延安郡王傭

為皇太子。賜名煦。許皇太后權同聽政。帝疾甚。羣

歷十九年
成

邢蔡姦謀

臣請立皇太子。及請皇太后高氏權同攝政。二月甲午朔立傭為皇太子。賜名照。先是岐王曹芳。二月初四日開起居。太后既垂簾。命二王毋輒入。初太子之未立也。職方員外郎邢恕與蔡確成謀密語去聲太后之姪高公綸。公紀曰。上疾不可諱。延安幼冲。宜早有定論。岐嘉皆賢王也。公繪驚曰。此何言。君欲禍吾家邪。恕知計不行。反宣言太后屬祝意岐王。而與王珪表裏。導確約珪入問疾。陽鉤致珪語。使知開封府蔡京伏劍士於外。須珪小持異。則執而誅之。既而珪

言上自有子。定議立延安。恕益無所施。及太子已立。猶與確白。謂有定策功。傳播其語於朝。**綱**帝崩。太子

即位。赦**國**帝崩年三十八。太子即位。生十年矣。

史臣曰。神宗孝友謙抑。敬畏輔相。不事遊幸。廟精圖治。將大有為。未幾王安石入相。安石為人。悻悻自信。知祖宗志吞幽薊。而數敗兵。帝奮然將雪數世之恥。未有所當。遂以偏見。興學起而乘之。天下洶洶騷動。帝終不覺悟。方斷然廢逐。元老擯斥。諫士致祖宗之良法美意。變壞幾盡。自是邪佞日進。人心日離。禍亂日起。帝哉。

綱尊皇太后曰太皇太后。皇后曰皇太后。德妃朱氏

曰皇太妃。**綱**德妃帝生母也。太皇太后既聽政。散遣

高后垂簾
初政

高后不顧
私恩
罷免行錢

脩京城役夫止造軍器及禁庭工技出近侍尤無狀
者戒中外無苛斂寬民間保戶馬見上事由中旨王
珪等弗預知也蔡確思求媚於太后以自固太后從
父高遵裕坐西征失律抵罪見上因上言乞復遵裕
官后曰遵裕靈武之役塗炭百萬先帝中夜得報起
環榻而行徹旦不能寐自是驚悸忌動也心馴致大
故禍由遵裕得免刑誅幸矣先帝肉未冷吾何敢顧
私恩而違天下公議乎確悚栗而退綱罷免行錢綱
司馬光自洛入臨去聲夏五月詔求直言綱光居洛京西

衛士以手
加額

新法吾黨
激成

賜十五年天下以爲眞宰相。田夫野老皆號爲司馬相公。婦人女子亦知其爲君實也。神宗崩，光欲入，哭也。避嫌不敢。時程顥在洛，勸光行，乃從之。衛士見光，皆以手加額曰：「此司馬相公也。」所至民遮道聚觀。馬至不得行，曰：「公無歸洛，留相天子，活百姓。」光懼，亟還。太后遣內侍梁惟簡勞光，問爲政所當先。光請開言路，詔榜朝堂。於是上封事，密奏也。者千數。綱名程顥爲宗正寺丞。未至卒。廣義書曰：未至卒者，傷也。顥嘗曰：「新法之行，乃吾黨激成之。當時自愧不能以誠感上。」

心遂致今日之禍。豈可獨罪王安石也。至是名為宗

正丞。未行而卒。年五十四。顯自十五六時。與弟頤聞

汝南。

今河南汝寧府周子清寓此。

周敦頤論道。遂厭科舉之業。慨

然有求道之志。未知其要。泛濫於諸家。出入於老釋

者。幾十年。返求諸六經。而後得之。資性過人。充養有

道純粹。

歲

之氣。盎於面背。同人交友。從之歲久。未嘗

見其忿厲之容。遇事優為。雖當倉卒。辭不動聲色。深

有意經濟。方召用遽卒。士大夫識與不識。莫不哀傷

焉。文彥博采衆論。題其墓曰。明道先生弟頤序之。曰。

文彥博題墓

弟四卷序

聖人之道
復明
孟子之後

周公沒。聖人之道不行。孟軻死。聖人之學不傳。道不行。百世無善治。學不傳。千載無真儒。無善治。士猶得以明夫善治之道。以淑諸人。以傳諸後。無真儒。則天下貿貿茂焉。莫知所之。人欲肆而天理滅矣。先生生乎千百年之後。得不傳之學於遺經。以興起斯文。爲已任。辨異端。闢邪說。使聖人之道。煥然復明於世。蓋自孟子之後。一人而已。然學者於道。不知所向。則孰知斯人之爲功。不知所至。則孰知斯名之稱去聲情也哉。**綱**王珪卒。**目**珪以文學見推流輩。然自執事至。

相凡十六年。無所建明。率諂諛。希順。嘗侍日。爲相公。以其土殿進呈。云取聖旨。上可否。許。退諭稟事者。云已得聖旨也。綱以蔡確韓縝爲左右僕射。夜兼門下中書侍郎。章惇知樞密院事。以司馬光爲門下侍郎。詔起光知陳州。見上卷二過闕。畱爲門下侍郎。旣而蘇軾自登州今山東召還。緣道人相聚號呼曰。寄謝司馬相公。母去朝廷。厚自愛。以活我。是時天下之民。引領拭目。以觀新政。而議者猶謂三年無改於父之道。光曰。先帝之法。其善者。雖

改之當如
救焚拯溺

賜孝子徐
積粟帛

百世不可變也。若王安石、呂惠卿所建，為天下害者，改之當如救焚拯溺。整援也。況太皇太后以母改子，非子改父也。於是衆議少止。

羅從彥曰：孔子曰：三年無改於父之道，此孝子居喪志存父在之道，不必主事而言也。況當易危為安，易亂為治之時，速則濟，緩則不及，改之乃所以為孝也。天子之孝在於保天下，先不即理言之，乃曰以母改子，非子改父，以此遏衆議，則失之矣。其後至紹聖時，排陷忠良，以害於治，豈亦光有以名之邪？

綱六月賜楚州孝子徐積粟帛。積事親孝，旦夕必

冠帶定省。見四三卷。從胡瑗。見六八卷。學所居一室，寒

徐積遇石
不踐

賞衣償金

徐積訓諸
生

一。褻。暖。食。粟。飲。水。雖。環。遺。去聲以。食。亦。不。受。以。父。名。石。
 至。終。身。不。用。石。也。石。則。避。而。不。踐。中。年。屏。以居。
 窮。里。而。四。方。事。無。不。知。嘗。借。人。書。經。夕。還。之。借。者。給。
 臺。上聲言。書。中。有。金。葉。積。賣。衣。償。之。不。與。辨。後。以。近。
 臣。薦。授。楚。州。今江南教。授。每。升。堂。訓。諸。生。曰。諸。君。欲。
 為。君。子。而。使。勞。已。之。力。費。已。之。財。如。此。而。不。為。君。子。
 猶。可。也。不。勞。已。之。力。不。費。已。之。財。諸。君。何。不。為。君。子。
 鄉。人。賤。之。父。母。惡。之。如。此。而。不。為。君。子。猶。可。也。鄉。人。
 榮。之。父。母。欲。之。諸。君。何。不。為。君。子。聞。者。敬。服。及。卒。賜。

諡節孝。秋七月，以呂公著為尚書左丞。公著知

揚州。

今江南揚州府。

被召侍讀，既至，拜左丞。公著既居政府，

與司馬光同心輔政，推本先帝之志，凡欲革而未暇，

與革而未定者，一一舉行之。民懽呼鼓舞稱便。罷

保甲法。冬十一月，復以鮮于侁為京東轉運使。

熙寧末，侁已嘗為京東轉運使，至是復用之。司馬光

語去聲人曰：「今復以子駿字侁為轉運使，誠非所宜。然朝

廷欲救東土之弊，非子駿不可。此一路福星也。安得

百子駿布在天下乎？」侁既至，奏罷萊蕪今山東濟南府萊蕪縣

罷保甲法

此一路福星

罷方田法
罷市易法
罷保馬法

利國兩鐵冶。又奏海鹽依河北通商。民大悅。**綱**葬永

裕陵。罷方田法。**綱**十二月。罷市易法。貶呂嘉問知

淮陽軍。**綱**罷保馬法。**明**發。嗚呼。民之憔悴於虐政。可謂

市易。保馬之法。次第而罷之。其革故鼎新。為可。見焉。

殆見天下之疾首蹙額者。皆變為含哺鼓腹之俗耳。

苟或哲宗不改賢母之政。一遵**綱**起居舍人邢恕有

罪。貶知隨州。**口**恕博通經籍。能文章。從程頤學。司馬

光呂公著。王安石。吳充。皆重之。然天資詭詐。冒進與

蔡確謀立岐王顯。事既不成。會王珪卒。恕與確及章

惇。宣言太皇太后及吳充有異議。賴確擁護而止。自

以為功。至是復為高公繪草奏乞尊崇朱太妃為高

氏異日計。太后怒。黜知隨州。見上十七。

雲開張氏曰。抑觀高戶聽政之初。起司馬光呂公著程顥。亟嘉問。邪怨罷保甲。開教坊。出市易。

養馬諸法。皆所以合天心。而協人意者也。孰謂女后當國。而無是稱者哉。

哲宗皇帝名煦。神宗第六子。初封延安郡王。後立為太子。在位十五年。壽二十五歲而崩。帝

幼冲嗣位。高太后臨朝。任用賢相。庶事脩舉。迨後熙豐小人得志。橫行追貶元祐正人。殆無虛

日以致禍亂。而金狄之難萌。徽欽之禍兆矣。

綱丙寅哲宗皇帝元祐元年春閏二月蔡確有罪免

日右司諫王覲狄上疏言國家安危治亂繫於大臣

今執政八人而姦邪居半使一二元老何以行其志

哉因極論蔡確章惇韓縝張璪朋邪害正章數上上

會右諫議大夫孫覺侍御史劉摯左司諫蘇轍御史

王巖叟朱光庭上官均等連章論確罪太后不忍斥

之但罷政出知陳州兄綱以司馬光為尚書左僕射

兼門下侍郎綱上書蔡確有罪免所以予其黜小人

綱目得好
惡之正

予其用君子綱目非厚光而薄確也得目時光已得

疾而青苗免役將官之法猶在西伐之議未決光歎

曰四害未除吾死不瞑目矣折簡猶言半紙與呂公著曰

國事
有所託

中國相司
馬

新金身知金

卷一

光以身付醫。以家事付愚子。惟國事未有所託。今以

屬祝公。既而詔免朝覲。見三卷許乘肩輿三日。一入

省。光不敢當。曰。不見君。不可以視事。詔令子康扶入

對。遼人聞之。赦其邊吏。曰。中國相司馬矣。毋輕生事

開邊隙。綱以呂公著為門下侍郎。李清臣呂大防為

尚書左右丞。以李常為戶部尚書。綱章惇有罪。免

以范純仁同知樞密院事。綱惇與司馬光爭辨役法

於太后簾前。其語甚悖。太后怒。斥知汝州。今河南汝州以

安燾代惇。知樞密院事。范純仁同知院事。命既下。給

罷青苗法

罷免役法

司馬公請
行差役

事中王巖叟侍御史劉摯等交章論熹附悖不當

遷至封還詔命熹亦力辭乃詔仍同知院事

苗法復常平舊法綱三月罷免役法目司馬光請悉罷免

役錢見七十卷三諸色役人皆如舊制其見在役錢

撥充州縣常平見七十卷十三本錢於是詔脩定役書凡役

錢惟元定額及額外寬剩二分見同以下許著為準

餘並除之光復請直降敕命委縣令佐揭簿定差定

役法見六其人不願身自供役許擇可任者顧代蘇

軾言於光曰差役免役各有利害免役之害聚斂於

二害輕重略等

正如罷長征而復民

上而下有錢荒之患。差役之害。民不得力農而吏胥

緣以為姦。此二害。輕重蓋略等矣。光曰。於君何如。軾

曰。法相因。則事易成。事有漸。則民不驚。三代之法。兵

農為一。至秦始分為二。及唐中葉中世也。盡變府兵為

長征卒。見四八卷二十。自是農出穀帛以養兵。兵出性命以

衛農。天下便之。雖聖人復起。不能易也。今免役之法。

實大類此。公欲驟罷免役而行差役。正如罷長征而

復民兵。蓋未易也。光不以為然。軾又陳於政事堂。光

色忿然。軾曰。昔韓魏公韓琦刺陝西。義勇見六八卷九公為

差役當熟講緩行

秦京獨如

諫官爭諱之甚力。韓公不樂。公亦不顧。軾昔聞公道

其詳。豈今日作相。不許軾盡言邪。光謝之。范純仁謂

光曰。差役當熟講。緩行。不然。滋為民病。願虛心以延

衆論。不必謀自己出。謀自己出。則諂諛得乘開。

處迎令矣。役議或難回。則可先行之一路。以觀其究

竟。光不從。持之益堅。純仁曰。是使人不得言爾。若欲

媚公。以為容悅。何如。少年合安石。以速富貴哉。光深

謝之。初。差役之復。為期五日。同列病其太迫。知開封

府蔡京獨如約。悉改畿其縣京畿顧役改顧役無一

宋哲宗

違者詣政事堂白光。光喜曰：「使人人奉法如君，何不

可之有？」**綱**：范子淵有罪，貶知峽州。**目**：子淵在熙豐

元豐神宗年號，開提舉脩隄，低開河，糜爛費巨萬，而功用卒

不成。護隄壓埽，見上之人溺死無算。至是御史呂陶

劾其罪，黜知峽州。見上卷中書舍人蘇軾草制詞有

曰：「汝以有限之財，興必不可成之役，驅無辜之民，置

之必死之地，時以爲至言。」**綱**：夏四月，召程頤爲崇政

殿說書。**目**：頤弟也。年十八，上書仁宗，欲黜世俗之

論，以王道爲心。治平英宗年號，元豐開，大臣屢薦，皆不起。

蘇軾至言

卷之九
九

至是司馬光呂公著其疏其行義曰伏見河南處士
程頤力學好古安貧守節言必忠信動遵禮法年踰
五十不求仕進真儒者之高蹈聖世之逸民望擢以
不次使士類有所矜式詔以爲西京洛陽國子監教授
力辭尋名爲祕書郎及入對改崇政殿說書頤卽上
疏言習與智長化與心成陛下春秋方富雖胃聖
得於天資而輔養之道不可不至大率一日之中接
賢士大夫之時多親寺人閹宦也宮女之時少則氣質
變化自然而成願選名儒入侍勸講講罷畱之分直

以備訪問。或有小失。隨事獻規。歲月積久。必能養成。

聖德

義

哲宗以啓沃之任待伊川。伊川以聖賢之學

伊川以聖賢之學輔哲宗

一勿有開之。吾見武丁傳說不足專美於前矣。夫何行道未幾。明年遂遭蘇軾之侮。而反成黨禍。惜哉。

韓縝免

綱

王安石卒

目

安石性彊忤

至

遇事無

可否。自信所見。執意不回。然議論奇高。能以辨博濟

其說。慨然有矯世變俗之志。故神宗排衆論。力倚任

之。及議變法。在廷交執不可。安石傳

附

經義出己意

辨論。輒數百言。衆不能誦。甚者謂天變不足畏。祖宗

不足法。人言不足恤。以是怨議紛起。終神宗世不復

名凡八年。安石每聞朝廷變其法。夷也。然不以爲意。

及聞罷助役復差役。愕然失聲曰。亦罷至此乎。良久

曰。此法終不可罷。又嘗曰。新法始終以爲可行者。曾

子宣也。始終以爲不可行者。司馬君實也。

曾布字

朱子曰。安石以文章節行高一世。而尤以道德經濟爲己任。被遇神宗。致位宰相。世方仰其有爲。庶幾復見二帝三王之盛。而安石乃汲汲以財利兵革爲先務。引用凶邪。排擯忠直。躁迫強戾。使天下之人。嚮然喪其樂生之心。卒之羣姦嗣虐。流毒四海。至於崇宣之際。而禍亂極矣。

綱以呂公著爲尚書右僕射兼中書侍郎。**綱**詔起文

彥博平章軍國重事。臣彥博致仕居洛。司馬光言其

詔舉經明
行脩之士

宿德元老宜起以自輔。太后將用爲三省長官。言者以爲不可。乃命平章軍國重事。六日一朝。一月兩赴經筵。班宰相上。恩禮甚渥。彥博年八十一矣。詔舉經明行脩之士。司馬光請立經明行脩科。歲委升朝文臣各舉所知。以勉勵天下。使敦士行。以示不專取文學之意。若所舉人違犯名教。必坐舉主。毋赦。則自不敢妄舉。而士之居鄉居家者。惟懼玷缺。外聞不待學官日訓月察。立賞告訐。而士行自美矣。於是詔自今凡遇科舉。令升朝官各舉經明行脩之士一人。

俟登第日用以升甲。**綱**五月以韓維爲門下侍郎。

神宗崩維自提舉嵩山在河南河南府登封縣崇福宮入臨。去

也。哭太后手詔勞去問維對曰人情貧則思富苦則

思樂困則思息鬱則思通誠能常以利民爲本則民

富常以憂民爲心則民樂賦力非人力所堪者去上

之則勞困息法禁非人情所便者蠲之則鬱塞通推

此而廣之盡誠而行之則子孫觀陛下之德不待教

而成矣未幾起知陳州。見上名爲資政殿大學士兼

侍讀至是拜門下侍郎。**綱**命程頤等脩定學制。**目**太

命程頤等
脩定學制

學自蔡確起大獄

見上十四

連引朝士有司緣此造為法

禁煩苛

何

凝密博士諸生禁不相見教諭無所施御

史中丞劉摯以為言至是命程頤孫覺顧臨同太學

長貳看詳脩定條制頤大槩以為學校禮義相先

緣

猶相

尚也之地而月試之爭

謂月有試以較其高下是使之爭也

殊非教養

之道請改試為課有所未至則學官召而教之更不

考定高下置尊賢堂以延天下道德之士

鑄箋解額

鑄解額

鑄謂刻定之士由鄉而貢日解額猶數也

以去利誘省繁文

師儒之官不責以吏牘之

置待賓吏

繁

以專委任勵行檢以厚風教及置待賓吏師齋

待賓

師二齋

立觀光法

置祭私塲

齋所以待行能司賓敬者吏師齋則立觀光法蓋以處求

通於治道可為吏之師法者居之學之士易觀卦四爻觀國之光利用賓于王如是者亦數十條綱六月放

鄧綰李定于滁除州今江南綱置春秋博士綱呂惠

卿有罪建州安置綱惠卿見正人彙進知不容於時

懇求散地右司諫蘇轍王觀歷數上其姦請投畀秘

四裔巽以禦魑魅見六十二中丞劉摯復列其五罪於

是貶光祿卿分司南京見六十六再貶建寧軍治建州今福建

府建寧節度副使建州安置時惠卿章惇呂嘉問鄧綰

李定蒲宗孟范子淵等皆已斥外言者論之不已范

人之過
不宜太甚

治道去太
甚
立十科舉
士法

純仁言於太后曰錄人之過不宜太深太后深然之
乃詔前朝希合附會之人一無所問言者勿復彈劾
惠卿黨稍安或謂呂公著曰今除惡不盡將貽後患
公著曰治道去太甚耳文景之世網漏吞舟且人才
實難宜使自新豈宜使自棄邪綱秋七月立十科舉
士法司馬光奏曰爲政得人則治然人之才或長
於此而短於彼雖臯夔稷契各守一官中人安可求
備若指瑕掩善則朝無可用之人苟隨器授任則世
無可棄之士臣備位宰相職當選官若專引知識則

嫌於私。若止循資序。未必皆才。乞設行義純固。可爲

師表。一節操方正。可備獻納。二知勇過人。可備將帥

三公正聰明。可備監司。四經術精通。可備講讀。五學

問該博。可備顧問。六文章典麗。可備著述。七善聽。欲

訟盡公得實。八善治財賦。公私俱便。九練習法令。能

斷請讞。四見十六卷。凡十科舉士。應侍從以上。每歲於

十科舉三人。中書置籍記之。有事須材。執政按籍視

其所舉科。隨事試之。有勞。又著之籍。內外官闕。取嘗

試有效者。隨科授職。所賜告命。告身。敕命。告身。見五一卷五。仍具

所舉官姓名其人任官無狀坐以謬舉之罪詔從之

綱夏主秉常卒子乾順立綱九月尚書左僕射兼門

下侍郎河內今河南懷慶府河內縣公司馬光卒目時兩宮虛

已以聽光為政光亦自見言行計從欲以身徇社稷

躬親庶務不舍晝夜賓客見其體羸舉諸葛亮食少

事煩見二入以為戒光曰死生命也為之益力病革

亟也諄諄語如夢中皆朝廷天下事也及薨太后哭

之慟與帝臨其喪贈太師溫今懷慶府溫縣國公謚文正年

六十八京師人為去之罷市往弔及如陝今河南河南府陝州

諄諄語如夢中

所爲無不
可對人言

葬。送者如哭私親。四方皆畫像以祀。子康居喪。因寢
地得腹疾。召醫李積於兗。今山東兗州府鄉民聞之。告積曰。
百姓受司馬公恩深。今其子病。願速往也。積至。則康
疾不可爲矣。光孝友忠信。恭儉正直。居處有法。動作
有禮。自少至老。語未嘗妄。自言吾無過人者。但平生
所爲。未嘗有不可對人言者耳。誠心自然。天下敬信。
陝洛間皆化其德。有不善曰。君實得無知之乎。光於
物澹然無所好。於學無所不通。惟不喜釋老。曰。其微
言不能出吾書。其誕吾不信也。及居政府。凡王安石

呂惠卿所建新法為民害者剗產革略盡或謂光

曰熙豐熙寧舊臣多儉纖巧小人他日有以父子之

義閒諫上則禍作矣光正色曰天若祚宋必無此事

天若祚宋必無此事

遂改之不疑

司馬公有旋乾轉坤之功

史臣曰熙寧新法病民者將二十年一旦光起而為政毅然以天下自任開言路進賢才凡新法之害民者次第取而更張之海內之民歡忻鼓舞甚於更生一變而為嘉祐治平之治君子稱其有旋乾轉坤之功而光已老且病不克終治惜哉

綱以蘇軾為翰林學士目軾自登州見上召還十月

之間三遷清要尋兼侍讀每經筵進讀未嘗反覆

開導覬

記

有所啓悟。嘗鎖宿禁中。召見便殿。太后

問曰。卿前爲何官。對曰。常州。

今江南常州府。

團練副使。曰。今

爲何官。對曰。待罪翰林學士。曰。何以遽至此。對曰。遭

遇太皇太后皇帝陛下。曰。非也。對曰。豈大臣論薦乎。

曰。亦非也。軾驚曰。臣雖無狀。不敢自他途進。曰。此先

帝意也。先帝每誦卿文章。必歎曰。奇才。奇才。但未及

進用卿耳。軾不覺哭失聲。太后與帝亦泣。左右皆感

涕。已而命坐賜茶。徹御前金蓮燭。送歸院。軾在翰林

頗以言語文章規切時政。衛尉丞畢仲遊憂其及禍。

奇才奇才

徹御前金蓮燭送歸院

畢仲遊貽
書戒蘇軾

奉聖公

綱鑑易知錄

卷十二

三十六

貽書戒之曰。君官非諫官。職非御史。而好是非。人危

身觸諱。以遊其閒。殆猶抱石而救溺也。孰不能從。**綱**

張璪免。罷知鄭州**綱**冬十月。改封孔子後為奉聖公。**目**鴻

臚卿孔宗翰言。孔子後世襲公爵。本為侍祠。今乃兼

領他官。不在故郡。於名為不正。乞自今襲封之人。使

終身在鄉里。詔改衍聖公。見六九卷二為奉聖公。不預他

職。添給田百頃。為頃供祭祀外。許均贍族人。賜國子

監書立學官。以誨其子弟。宗翰道輔。見六七卷二子也。**綱**

十一月。以呂大防為中書侍郎。劉摯為尚書右丞。終

尺木堂綱鑑易知錄卷七三

周之炯靜專

綱目續編定本

山陰吳乘權楚材同輯

周之燦星若

宋紀

哲宗皇帝

綱丁卯二年春正月禁科舉用王氏經義字說

廣前此

聖堯轉為
得蘇合

以是取科所謂學者質實焉者也今呂公毅然禁止邪說若棄堯轉而得蘇合也當時學者一何幸焉

注堯轉蘇合見直時科舉罷詞賦專用王安石經義

見七一且雜以釋氏之說凡士子自一語以上非安

石新義不得用學者至不誦正經惟竊安石之書以

干進精熟者輒上第故科舉益弊呂公著當國始請

禁主司不得以老莊書命題舉子不得以申韓見十卷

四佛書為學經義參用古今諸儒說毋得專取王氏

尋又禁毋得引用王氏字說見同經義**綱**夏四月詔文彥

博十日一議事都堂致仕故也**綱**以處士陳師道

為徐州今江南教授**綱**師道高介有節安貧樂道博

學善文家貧或經日不炊晏如也熙寧神宗中主氏

經學盛行師道心非其說遂絕意進取至是以蘇軾

薦授是職綱復制科綱李清臣免目時釐離也正熙

豐之政清臣固爭以為不可遂罷知河陽府今河南懷慶府

孟綱五月以劉摯王存為尚書左右丞六月以安

燾知樞密院事綱秋七月罷門下侍郎韓維目維處

東省踰年有忌之者密為讒想詔分司南京見上卷三三

王存抗聲簾前曰韓維得罪莫知其端臣切為朝廷

惜之乃還維資政殿大學士知鄴州見七十卷九綱八月

罷崇政殿說書程頤目頤在經筵以禮法自持每進

王存抗聲

賦玩侮

講色甚莊。繼以諷諫。蘇軾謂其不近人情。深嫉之。每加玩侮。於是頤門人右司諫賈易左正言朱光庭等憤不能平。劾軾試館職策問。謗訕殿中侍御史呂陶言臺諫當徇至公。不可假借事權以報私隙。右司諫王覲言。軾命辭失輕重。其事小。不足考。若悉考同異。深究嫌疑。則兩岐遂分。使士大夫有朋黨之名。大患也。太后然之。范純仁亦言。軾無罪。遂置不問。會帝患瘡疹不出。頤詣宰臣問知否。且曰。上不御殿。太后不當獨坐。人主有疾。而大臣可不知乎。翌日宰臣以頤

言問疾由是大臣亦多不悅御史中丞胡宗愈左諫

議大夫孔文仲給事中顧臨遂連章力詆頤不宜在

經筵乃罷頤出管句精西京洛陽國子監時呂公著獨

當國羣賢咸在朝不能不以類相從遂有洛河黨蜀

川黨朔今直隸朔北也虞黨之語洛黨以頤為首而

朱光庭賈易為輔蜀黨以蘇軾為首而呂尚等為輔

朔黨以劉摯梁燾王巖叟劉安世為首而輔之者尤

衆是時熙豐熙寧元豐元豐用事之臣退休散地怨入骨髓雖

陰伺間諫隙而諸賢不悟各為黨比以相訾訾也

胡宗愈君
子無黨論

君子自相
攻訐

程蘇交惡

議惟呂大防秦人。意撞直無黨。范祖禹師司馬光本立黨。既而帝聞之。以問胡宗愈。宗愈對曰。君子指小人為姦。則小人指君子為黨。陛下能擇中立之士而用之。則黨禍息矣。因著君子無黨論以進。

靜軒周氏曰。臣嘗以元祐之事觀之。哲后在上。而言聽計從。賢人在下。而協心輔治。此正太平有為之時也。然而韓維以讒惡罷。程頤以嫌隙黜。何也。蓋頤在經筵。以禮法自持。進講色莊。繼以諷諫。蘇軾以不近人情而嫉。胡宗愈等以不宜在經筵而譖。此皆君子之類。自相攻訐。其不罹小人之禍。蓋亦難矣。觀於此。可以占世道之升降耳。直書於冊。深惜之也。

綱罷右司諫賈易。時程頤蘇軾交惡。互相攻。

呂公仁者
之勇

許易因劾呂陶黨軾兄弟語侵文彥博范純仁太后
怒欲峻責易呂公著言易言頗直惟詆大臣太甚不
可處諫列耳乃止罷知懷州今河南懷慶府公著退語去聲同
列曰諫官所言未論得失顧主上方富於春秋異時
有導諛惑上心者正賴左右力諫不可使人主輕厭
言者呂大防劉摯王存私顧而歎曰呂公可謂仁者
之勇

綱戊辰三年春正月復置廣惠倉

見七

綱夏四月

以呂公著爲司空同平章軍國事呂公著以老懇辭

常安民貽
呂公著書

位。乃拜司空同平章軍國事。國初以來。宰相以三公
平章軍國事者四人。公著與父夷簡居其二。世羨其
榮。時熙豐用事之臣。雖去。其黨分布中外。起私說以
搖時政。鴻臚丞常安民貽公著書曰。善觀天下之勢。
猶良醫之視疾。方安寧無事之時。語人曰。其後必將
有大憂。則衆必駭笑。惟識微見幾之士。然後能逆知
其漸。故不憂於可憂。而憂之於無足憂者。至憂也。今
日天下之勢。可爲大憂。雖登進忠良。而不能搜致海
內之英才。使皆萃於朝。以勝小人。恐端人正士。未得

前世已然
之禍

安枕而臥也。故去小人為不難，而勝小人為難。陳蕃

竇武協心同力，選用名賢，天下想望太平，然卒死，曹

節之手遂成黨錮之禍。

見漢靈帝建寧元年二年

張柬之五王中

興唐室，以謂慶流萬世。及武三思一得志，至於竄移

淪沒。

見唐中宗神龍元年二年

凡此者皆前世已然之禍也。今怨

忿已積，一發其害必大，可不為大憂乎？公著得書默

然，綱以呂大防范純仁為尚書左右僕射，兼門下

中書侍郎。孫固劉摯為門下中書侍郎，主存胡宗愈

為尚書左右丞，趙瞻簽書樞密院事。固大防朴厚，愈

以苑同心
戮力

直純仁務以博大開上意忠厚革士風二人同心

戮力

并

以相王室太后復盡心委之故元祐之治比

隆嘉祐

仁宗時

黨論方起純仁慮之會右諫議大夫

王觀以胡宗愈進君子無黨論惡之因疏宗愈不可

執政太后大怒純仁與文彥博呂公著辨於簾前太

后意未解純仁曰朝臣本無黨但善惡邪正各以類

分彥博公著皆累朝舊人豈容雷同罔上昔先臣

淹仲

與韓琦富弼同慶曆

仁宗年號

柄任各舉所知當時飛語

指為朋黨三人相繼補外造謗者共相慶曰一網打

盡矣。此事未遠。願陛下戒之。因極言前世朋黨之禍。

見七一并錄歐陽脩朋黨論。見六八上之。然竟出覲。

知潤州。今江南而宗愈居位如故。綱冬。閏十二月。蜀

公范鎮卒。

綱已巳四年春二月。東平。見五九公呂公著卒。公

著薨。年七十二。太皇太后覲輔臣泣曰。邦國不幸。司

馬相公既亡。呂司空復逝。帝亦悲感。即詣其家臨。去聲

也。哭。奠贈太師。封申國。今河南汝寧公諡正獻。公著

自少講學。即以治心養性為本。平居無疾言遽色。於

講學以治
心養性為

聲利紛華。泊然無所好。簡重清淨。蓋天稟然。其識慮
深敏。量宏而學粹。歲遇事善決。苟便於國。不以利害
動其心。與人交。出於至誠。好德樂善。見士大夫以人
物爲意者。必問其所知。與其所聞。參互考實。以達於
上。每議政事。博采衆善。以爲善。至所當守。則毅然不
可回奪。神宗嘗言其於人材不欺。如權衡之稱。去聲
也物。尤能避遠聲迹。不以知人自處。王安石博辨騁
辭。人莫敢與亢。公著獨以精識約言服之。安石嘗曰
疵吝。易繫辭上傳悔吝者言乎其小疵也每不自勝。一詣長者。卽改其

立經義詩

兩科

明法科

敬服如此。綱三月。胡宗愈免。

中丞孫覺在正言。劉安世等論之也。綱夏

四月。分經義詩賦為兩科試士。罷明法科。因尚書省請復詩賦與經義兼行。解經通用先儒傳注。及已說。又言舊明法最為下科。今中者即除司法敘名。反在及第進士上。非是。乃詔立經義詩賦兩科。罷試律義。初司馬光言。取士之道。當先德行。後文學。就文學言之。經術又當先於詞章。神宗專用經義論策取士。此乃復先王令典。百王不易之法。但王安石不當以一家私學。欲蓋先儒。令天下師生講解。至於律令皆當

官所須。使爲士者果能知道義。自與法律冥合。何必
置明法一科。習爲刻薄。非所以長育人才。敦厚風俗
也。至是遂罷之。未幾詔御試舉人。仍試賦詩論三題。
綱五月。以范祖禹爲右諫議大夫。兼侍讀。祖禹初
從司馬光脩資治通鑑。在洛十五年。不事進取。王安石
尤愛重之。祖禹終不往謁。帝卽位。擢右正言。以婦
翁呂公著當國。引嫌辭職。再改著作郎。兼侍講。會夏
暑。權罷講筵。祖禹上言。陛下今日之學。與不學係他
日治亂。如好學。則天下君子欣慕。願立於朝。以直道

范祖禹先
事之戒

事陛下輔佐德業而致太平不學則小人皆動其心
務爲邪諂以竊富貴且凡人之進學莫不於少時今
聖質日長數年之後恐不得如今日之專竊爲陛下
惜也公著薨始除右諫議大夫尋加禮部侍郎聞禁
中覓俗作覓乳媪襖以帝年十四非近女色之時與左
諫議大夫劉安世上疏勸進德愛身又乞太皇太后
保護聖躬言甚切至太后謂曰乳媪之說外閒虛傳
也祖禹對曰外議雖虛亦足爲先事之戒凡事言於
未然則誠爲過及其已然則又無所及言之何益陛

蔡確車蓋亭賦詩

卷之三

三

下寧受未然之言。勿使臣等有無及之悔。太后深嘉

之。○**綱**安置蔡確於新州。○**目**確失勢日久。遂懷怨望。在

安州。

今湖廣德安府

嘗遊車蓋亭。

在德安府西北

賦詩十章。知漢陽

軍。

治湖廣漢陽府

吳處厚與確有隙。上之。以為皆涉譏訕。其

用郝處俊上元閒諫高宗欲傳位武后事。

見四五以

卷二九

斥東朝。

太后朝

語尤切害。於是臺諫言確怨謗。乞正其

罪。執政議置確於法。范純仁王存獨以為不可。力爭

諍之。

文彥博欲貶確嶺嶠。

今廣東道

純仁聞之。謂呂大防

曰。此路自乾興

真宗年號

以來。荆棘近七十年。吾輩開之。

恐自不免。大防遂不敢言。越六日。貶確英州。今廣東

英德縣別駕新州。今廣東肇慶府新興縣安置。確至新州未幾卒。

綱六月。范純仁王存罷。呂大防言蔡確黨盛不可

不治。純仁面諫。朋黨難辨。恐誤及善人。司諫吳安詩

正言劉安世。因論純仁黨確。純仁亦力求罷政。乃出

知潁昌府。今河南開封府許州存確所舉也。故亦出知蔡州。今河南汝

寧府**綱**以趙瞻同知樞密院事。韓忠彥。琦子將為尚

書左右丞。**綱**秋七月。安燾罷。以母喪去位也**綱**冬十一月。以

孫固知樞密院事。劉摯傳堯俞為門下中書侍郎。

綱庚午五年春二月夏人來歸來樂見上卷之俘平

詔以米脂等四砦畀之夏人來歸來樂所獲吏

士百四十九人遂詔以米脂葭蘆浮圖俱見上卷安疆

在陝西慶陽府白豹城東四砦還之夏得地益驕綱文彥博致仕

彥博復居政府無歲不求去會殿中侍御史賈易

言彥博至和仁宗年號建儲之議見六十九卷五不可信太后命

付史官彥博益求罷乃以太師充護國軍見六十九卷十九山

南西道治陝西漢中府節度等使致仕命有司備禮冊命宴

餞於玉津園見六十九卷三先是遼使耶律求昌來聘蘇軾

夏以四砦還

游公宴餞
玉津園

潞公天下
異人

館之與永昌入觀見彥博於殿門外却立改容曰此

潞公

見六九卷八

也邪問其年曰何壯也軾曰使者見其

容未聞其語其總理庶務雖精練少年有不如其實

穿古今雖專門名家有不逮永昌拱手曰天下異人

也

[綱]三月趙瞻卒以韓忠彥同知樞密院事蘇頌為

尚書左丞

[綱]夏四月孫固卒

[綱]固宅心誠粹

歲

不喜

驕亢與人居久而益信故更歷夷險而不為人所疾

害傅堯俞言司馬公之清節孫公之淳德蓋所謂不

言而信者也世以為確論**[綱]**秋八月召鄧潤甫為翰

實繫君子
小人消長
之機

林學士承旨罷御史中丞梁燾諫議大夫劉安世朱
光庭。初潤甫以母喪終制除吏部尚書梁燾權給
事中駁之改知亳州。見上卷八至是復以承旨召燾為中
承與左諫議大夫劉安世右諫議大夫朱光庭交章
論潤甫出入王呂。王安石惠卿黨中始終反覆今之進用
實繫君子小人消長之機。又言潤甫嘗為蔡確制稱
確有定策之功以欺惑天下乞行罷黜累疏不報燾
等因力請外乃出燾知鄭州。見七一光庭知亳州安
世提舉崇福宮。見上卷二時劉摯上疏請暫出潤甫留

調停

蘇轍諫用
安石之黨

熹等。蘇轍亦三疏論之。皆不報。自司馬光卒後。王安

石之徒。多為飛語。見四九卷二十以搖在位。大臣為自全計。

呂大防范純仁二相尤畏之。欲用其黨以平舊怨。謂

之調停。太后疑不決。轍復上疏曰。先帝疾頽靡之俗。

將以綱紀四方。而臣下不能將順。見四九卷八造作諸法。

新法也。上逆天意。下失民心。今二聖太后及帝因民所願。取

而更耕之。上下忻慰。前者用事之臣。不加斥逐。宥之

於外。蓋已厚矣。而議者惑於衆說。乃欲招而納之。與

之共事。此輩若返。豈肯但已哉。必將戕害衆人以快

聖賢戒於
一陰方生
之時

私忿入臣被禍蓋不足言臣所惜者祖宗朝廷也疏
入太后曰轅焜吾君臣兼用邪正其言極中理諸臣
從而和之調停之說遂已

靜軒周氏曰古之聖賢不戒於羣陰盛長之際
而戒於一陰方生之時其故何歟蓋一陰雖微
其勢必盛與其慮之於終曷若謹之於始非慮
其一陰之進慮其羣陰連類而進耶故易曰剝
致其道至堅冰也潤甫乃王呂之黨其心非端
謹之徒今而召用實繫君子小人消長之機宗
社生民休戚之寄是以梁燾等交章切諫則其
防微杜漸之意深矣不惟不聽而又罷之是蓋
用一小人退衆君子抑何可以服天下哉

綱辛未六年春二月以劉摯爲尚書右僕射兼中書

楊康國論
蘇轍

王巖叟
原唐書

侍郎蘇轍爲尚書右丞。主巖叟簽書樞密院事。臣轍除命旣下。右司諫楊康國奏曰。轍之兄弟。謂其無文學。則非也。陷道則未也。其學乃學爲餞秦。張儀蘇秦者也。其文率務馳騁。好作爲縱橫。宏掉闔。見六卷七無安靜理。陛下若悅蘇轍文學。而用之。不疑是。又用一安石也。轍以文學自負。而剛很好勝。則與安石無異。不哉。巖叟居言職五年。正諫無隱。及拜簽樞。人謝因進曰。太后聽政以來。納諫從善。務合人心。所以朝廷清明。天下安靜。願信之勿疑。守之勿失。復進言於帝曰。陛

下今日聖學當深辨邪正。正人在朝則朝廷安邪人
 一進便有不妥之象。非謂一夫能然蓋其類應之者
 衆。上下蔽蒙不覺養成禍胎爾。又曰或聞有以君子
 小人參用之說。告陛下者不知果有之否。此乃深誘
 陛下也。自古君子小人無參用之理。聖人但云君子
 在內。小人在外。則泰。易泰卦象傳內君子而外小人君子在外。小人
 在內。則否。否卦象傳內小人而外君子小人既進。君子必引類而
 去。若君子與小人競進。則危亡之基也。兩宮深然之

日食大水

綱夏五月朔日食。綱六月浙西水。杭州死者五十萬蘇州死者三十萬

詔賜米百萬石錢二十萬緡賑之。

綱翰林學士承旨蘇軾罷。初軾

以論事為衆所忌。趙挺之王覲攻之。遂出知杭州。

今浙

江杭州府

未幾召還。侍御史賈易復劾軾。元豐

神宗年號

末在

揚州。

今江西南揚州府

聞先帝厭代作詩。及草呂惠卿制。皆誹

怨先帝。無人臣禮。御史中丞趙君錫亦繼言之。太后

怒。罷易知宜州。

今江西南寧國府

君錫知鄭州。

見上

呂大防請

拜軾兩罷。乃出軾知潁州。

見六十九卷

尋改知揚州。

綱冬。

十一月。罷劉摯知鄆州。

見上卷

目摯性陷直。有氣節。

不為利誘威怵。與呂大防同位。國家大事。多決於大

鄭集楊長
防大防

傳堯俞不
設城府

防惟進退士大夫實執其柄然持心少恕勇於去惡
竟爲朋讒竒中遂與大防有隙中丞鄭雍殿中侍御
史楊畏皆附大防章惇諸子故與摯子遊摯亦閒與
之接雍畏謂廷見接納爲牢籠之計以覲記。後福
遂罷摯知鄆州給事中朱光庭駁之曰摯忠義自奮
朝廷擢之大位一旦以疑而罷天下不見其過言者
以光庭爲黨亦罷知亳州見上
綱中書侍郎傅堯俞
卒目堯俞重厚寡言遇人不設城府人不忍欺論事
君前略無回隱退與人言不復有驚異態素與王安

石善熙寧神宗年號初自知廬州今江南廬州府入京時方行新

法安石謂之曰舉朝紛紛俟君來久矣將以待制諫

院處君堯俞曰新法世以爲不便誠如是當極論之

安石怒遂不用司馬光嘗謂邵雍曰清直勇三德人

所難兼吾於欽之堯俞字畏焉雍曰欽之清而不耀直

而不激勇而能溫是爲難耳及卒太后謂輔臣曰傳

侍郎清直一節始終不變金玉君子也方倚以爲相

遽至是乎諡獻肅

綱壬申七年春三月以程頤直祕閣判西京國子監

傳堯俞金
玉君子

既而罷之。面頤服闕。終日關三省。中書省門不擬除

蘇軾祖伊

館職。館開判檢院蘇轍進曰。頤入朝恐不肯靜。太后

納之。遂差管句。構崇福宮。見上頤亦懇辭。訖不就職。

范祖禹言。頤經術行義。天下共知。司馬光呂公著。見上

十。卷三豈欺罔者邪。但草茅之人。未習朝廷事體。則有

之。寧有他故。如言者所指哉。乞名勸講。必有補聖明

不聽。發甚矣君子之道難行。而小人之姦易售也。昔

蘇氏兄弟相繼損

直祕閣。而蘇轍以恐不肯靜。沮則是蘇氏兄弟相繼

損頤。何也。蓋由程子剛正不阿。羣而不黨。是先有以見絕於人云爾。殊不知以君子而遇君子。則道同志合。其利斷金。心孚意契矣。小人而遇君子。則心背神

既而罷之以致其惜之意焉。故失書綱夏四月始備六

禮立皇后孟氏直后洛

明州今直隸廣平府

人馬軍都虞候

元之孫帝年益壯太皇太后歷選世家女百餘人宮

后年十六太皇太后及太后皆愛之教以女儀至是

太皇太后諭執政曰孟氏女能執婦禮宜正位中宮

命學士草制又以近世禮儀簡略詔翰林臺諫給舍

給事中及中書舍人與禮官議冊后六禮奉迎發冊告期納成納吉納采問名以

進遂命呂大防兼六禮使帝御文德殿冊為皇后太

皇太后詔

去聲

帝曰得賢內助非細事也既而歎曰斯

人質。淑惜福薄耳。異日國有事變。必此人當之。**綱五**

月。王巖叟罷。出知鄭州**綱六**月。以蘇頌為尚書右僕射兼

中書侍郎。蘇轍為門下侍郎。范百祿為中書侍郎。梁

燾鄭雍為尚書左右丞。韓忠彥知樞密院事。劉奉世

簽書院事。**綱七**秋八月。陝西地震。**綱八**九月。召蘇軾為兵

部尚書兼侍讀。尋又遷禮部兼端明侍讀。二學士未幾又罷。知定州。

綱九癸酉八年春三月。蘇頌范百祿罷。**綱十**夏六月。梁燾

罷。**綱十一**燾以疾罷。燾自立朝。一以引拔人物為意。嘗作

薦士錄。具載姓名。或曰。公所植桃李。見四十七乘時而

發。但不向人開耳。燾笑曰。燾出入侍從。致位執政。八
年之間。所薦用之不盡。負愧多矣。帝以燾求去。遣近
臣密訪人材。燾具奏。訪人才可大任者。陛下當自知
之。但須識別邪正。公天下之善惡。圖任舊人中堅正
純厚。有人望者。不牽左右好惡之言。以移聖意。天下
幸甚。帝然之。綱秋七月。以范純仁爲尚書右僕射。兼
中書侍郎。且純仁入謝。太后謂曰。或謂卿必先引用
王。覲。彭。汝。礪。卿宜與呂。大。防。一心。對曰。此二人實有
士望。臣終不敢保位蔽賢。望陛下加察。純仁之將召

太后崩
太后崩
太后崩

也。殿中侍御史楊畏附蘇轍欲相之。因與來之邵上
疏論純仁不可復相。乞進用章惇。安燾。呂惠卿。不報。
及純仁視事。呂大防欲引畏為諫議大夫以自助。純
仁以畏不端不可用。大防曰。豈以畏嘗言相公邪。蘇
轍即從旁誦其彈文。純仁初不知也。已而竟遷畏禮
部侍郎。綱八月。京東西。河南北。淮南。水。綱九月。太皇
太后高氏崩。綱水。皆陰逆而與怨氣并之所致。是時
物而小人乃陰類。太后既崩。哲宗親政。熙豐小人。次
第而復起。卒致天下壤亂。浸不能救。豈不深可惜哉。
知天變不虛生乖異不妄作感於下必見於上矣。綱

目比事書之其旨如此觀者不可不知也

仁等問疾太皇太后曰老身沒後必多有調戲官家

五帝官天下三王家天下故稱者宜勿聽公等亦宜早退令官家

別用一番人乃呼左右賜社飯曰明年社飯時思量

老身也尋崩太后臨朝九年朝廷清明華夏綏定力

行故事抑絕外家私恩人以為女中堯舜綱冬十月

帝始親政詔內侍劉瑗等復入內給事太后既

崩中外洶洶人懷顧望在位者畏懼莫敢發言翰林

學士范祖禹慮小人乘間開乘害政上疏曰陛下

范祖禹著
宗親政疏

宋中興錄

綱目

卷七

宋哲宗

十一

天下豈堪
小人再壞

方攬庶政。延見羣臣。此國家隆替之本。社稷安危之
機。生民休戚之端。君子小人進退消長之際。天命人
心去就離合之時也。可不畏哉。先后有大功於宗社
有大德於生靈。九年之間。始終如一。然羣小怨恨。亦
不爲少。必將以改先帝之政。逐先帝之臣。爲言以事
離間。諫不可不察也。惟剖析是非。深拒邪說。有以姦
言惑聽者。付之典刑。痛懲一人。以警羣惡。則恬然無
事。此等既誤先帝。又欲誤陛下。天下之事。豈堪小人
再破壞。怪邪時蘇軾方具疏將諫。及見祖禹奏曰。經

武庫

上之文也。遂附名同進。而毀已草。疏入不報。曾有旨

召內侍劉瑗等十人復職。祖禹又諫曰。陛下親政以

來。未聞訪一賢臣。而所召乃先內侍。四海必謂陛下

私於近習。不可弗聽。綱十二月。范純仁乞罷政。不許。

初太皇太后寢疾。召純仁曰。卿父仲淹可謂忠臣

在明肅。劉太后見六垂簾時。惟勸明肅盡母道。明肅

上賓。謂崩也。惟勸仁宗盡子道。卿當似之。純仁泣曰。敢

不盡忠。及帝親政。純仁乞避位。帝語呂大防曰。純仁

有時望。不宜去。可為朕留之。時羣小力排太后時事。

純仁奏曰。太皇保祐聖躬。功烈誠心。幽明共鑒。議者
不恤國是一何薄哉。因以仁宗禁言明肅垂簾時事
詔書。上見同土之曰望陛下稽放微而行。以戒薄俗。帝
不納。綱復章惇呂惠卿官。貶樞密都承旨劉安世知
成德軍。明發自此而後小人盡用新法盡復不至呂
大防爲山陵。見卷三使甫出國門。楊畏首叛。大防上
疏言。神宗更法立制。以垂萬世。乞賜講求。以成繼述
之道。帝卽召對。詢以先朝故臣孰可召用者。畏遂列
上章惇安燾呂惠卿鄧潤甫李清臣等行義各加題

品。且言神宗所以建立法度之意與王安石學術之美。乞召章惇爲相。帝深納之。遂復惇惠卿官。安世諫以爲不可。出知成德軍。

治直隸真定府

○甲戌。紹聖元年春二月。以李清臣爲中書侍郎。鄧潤甫爲尚書左丞。○潤甫首陳武王能廣文王之聲。成王能嗣文武之道。以開紹述。故有是命。范純仁以時用大臣。皆從中出。言於帝曰。陛下親政之初。四方拭目以觀天下治亂。實本於此。舜舉臯陶。湯舉伊尹。不仁者遠。縱未能如古人。亦須極天下之選。帝不納。

綱目卷之三

葬宣仁聖烈皇后。三月朔日食。不盡如鉤。

呂大防罷。殿中侍御史來之邵逆探時旨首劾策。

李希臣發
試進士策

進士罷門下侍郎蘇轍。廷試進士。李清臣發策曰。

今復詞賦之選。而士不知勸。罷常平之官。而農不加

富。可差可募之說雜。而役法病。或東或北之論異。而

河患滋。賜土以柔遠也。而羌夷之患未弭。弛利以便

民也。而商賈之路不通。夫可則因。否則革。惟當之為

貴。聖人亦何有必焉。其意蓋納。同元祐之政也。蘇轍

諫曰。伏見策題歷詆近歲行事。有紹復熙寧元豐之

范純仁救
蘇轍

意臣謂先帝設施蓋有百世不可改者。元祐以來上
下奉行未嘗失墜。至於事或失當。何世無之。父作於
前。子救於後。前後相濟。此則聖人之孝也。漢武帝外
事四征。內興宮室。財用匱竭。於是脩鹽鐵。見十四卷六權
酷。見十四卷三均輸。見十四卷十五之政。民不堪命。幾至大亂。昭
帝委任霍光。罷去煩苛。何漢室乃定。陛下若輕變九
年已行之事。擢任累歲不用之人。懷私忿而以先帝
為辭。大事去矣。帝覽奏大怒曰。安得以漢武比先帝。
轍下殿待罪。眾莫敢救。范純仁從容言曰。武帝雄才

楊長孺
拔舉漸爲
第一

大略史無貶辭。轍以比先帝非謗也。鄧潤甫越次進。
曰先帝法度爲司馬光蘇轍壞。怪盡。純仁曰不然。法
本無弊。弊則當改。帝曰人謂秦皇漢武純仁曰轍所
論事與時也。非人也。帝爲之少霽。祭怒竟落轍職。
出知汝州。今河南汝州及進士對策。考官第主元祐者居
上。禮部侍郎楊畏覆考乃悉下之。而以主熙豐。熙寧元豐
者置前列。遂拔畢漸爲第一。自是紹述之論大興。國
是遂變矣。綱以曾布爲翰林學士承旨。初布以戶部尚書出知太
原府。涉江寧。過綱夏四月。以張商老爲右正言。初商
京。雷拜承旨。

改元祐為
紹聖

范祖禹議
官第一

封推官諫罷新法呂公著惡之出為河東提刑至是召為右正言商英在外十年憾元祐諸臣因極力
之綱貶蘇軾知英州見上綱詔改元會布上疏請
復先帝政事且乞改元以順天意帝從之改元祐九
年為紹聖元年於是天下曉然知帝意所向矣綱罷
翰林學士范祖禹目時帝欲相章惇祖禹言惇不可
用帝不悅祖禹遂乞郡乃知陝州見上卷三四祖禹在邇
英見六七卷二七守經據正獻納尤多每當講前夕必正衣
冠如在上側命子弟侍先按講其說開列古義參之
時事言簡而當義理明白蘇軾稱為講官第一綱以

章惇爲尚書左僕射兼門下侍郎范純仁罷因惇上見

卷二之被召也通判陳瓘貫從衆道謁之惇聞瓘名

邀與同載詢當世之務瓘因問惇曰天子待公爲政敢問何先惇曰司馬光姦邪所當先辨勢無急於此

陳瓘諫言

瓘曰公誤矣果爾將失天下望惇厲聲曰光不務續

述先烈而大改成緒誤國如此非姦邪而何瓘曰不

察其心而疑其迹則不爲無罪若指爲姦邪又復改

作則誤國益甚矣爲今之計惟消朋黨持中道庶可

以救弊惇不悅帝旣相惇純仁請去益力乃以觀文

章惇使林希典書詔

林希擲筆於地復免役法

殿大學士出知穎昌府見上綱名蔡京為戶部尚書

以林希為中書舍人章惇嘗言元祐初司馬光作

相用蘇軾掌制所以能鼓動四方安得斯人而用之

或曰林希可會希赴成都今四川成都府過闕惇欲使典書

誥逞毒於元祐諸臣且許以為執政希久不得志請

甘心焉凡元祐名臣貶黜之制皆希為之極其醜詆

至以老姦擅國之語陰斥宜仁高太后讀者無不憤歎

一日草制罷擲筆於地曰壞怪名節矣綱復免役法

綱以蔡卞為國史脩撰卞王安石婿也從安石從子

防所求安石舊作日錄文節

罪十科舉士法

姦偽芟落事

綱閏月

罷十科舉士法

見上卷

綱以安

實盡改正史

綱

賤

吏部

尚書

彭汝礪

知江州

今江西九

江言者謂其附會劉摯

見上

也

汝礪

將行帝問所

欲言對曰陛下今所復者其政不能無是非其人不

能無賢不肖政惟其是則無不善人惟其賢則無不

得矣至郡數月而卒

綱

五月

詔進士專習經義

罷

制舉

置宏詞科

劉奉世

罷

綱

奉世

敝

見六九

卷六

之子

罷制舉置宏詞科

也。為人簡重有法度常云家世惟知事君內省不愧
侍士大夫公論而已得喪常理也譬如寒暑加人雖

善攝生者不能無病。正須安以處之。以章惇用事。力
乞外。乃出知成德軍。見上綱鄧潤甫卒。綱以黃履爲
御史中丞。元豐末。履爲中丞。與蔡確章惇邢恕相
交結。每確惇有所嫌惡。則使恕道風旨於履。履卽排
擊之。時謂之四凶。爲劉安世所論而出。至是惇復引
用。俾報復仇怨。元祐正臣無一得免者矣。綱六月除
字說之禁。綱以曾布同知樞密院事。綱秋七月。奪司
馬光呂公著等贈諡。貶呂大防劉摯蘇轍梁燾等官。
詔諭天下。目黃履張商英上官均來之邵等。交章論

此非盛德

李清臣復
與章惇異

司馬光等變更先朝之法。畔道逆理。章惇蔡卞請發
光公著冢。斲棺暴尸。帝問許將。將對曰。此非盛德
事也。帝乃止。於是追奪光公著贈諡。什所立碑。奪主
嚴叟贈官。貶大防為祕書監。摯為光祿卿。輟為少府
監。並分司南京。見上初李清臣冀為相。首倡紹述之
說。以計去蘇轍。范純仁。亟復青苗免役法。及章惇至
心甚不悅。復與為異。惇既貶。司馬光等又籍文彥博
以下三十人。將悉竄嶺表。今廣東清臣進曰。更先帝法
度。不能無過。然皆累朝元老。若從惇言。必大駭物聽。

罷廣惠倉

復免行錢

常安民料
呂惠卿

帝乃下詔曰。大臣朋黨。司馬光以下各以輕重議罰。

其布告天下。餘悉不問。議者亦勿復言。初朋黨論起。

帝曰。梁燾每起中正之論。其間陳排擊盡出公議。朕

皆記之。又曰。蘇頌知君臣之義。無輕議也。由是頌獲

免。而燾止。謫提舉舒州今江南靈仙觀。其綱八月罷。

廣惠倉。見上綱復免行錢。見上卷二十六綱冬十月。

以呂惠卿知大名府。綱監察御史常安民言。北都見

八卷九重鎮而除惠卿。惠卿賦性深險。背王安石。見

一卷者。其事君可知。今將過闕。必言先帝而泣。以感

重脩神宗實錄

勅陛下希望留京矣帝納之及惠卿至京請對見帝
果言先朝事而泣帝正色不答計卒不施而去時論
快之綱十二月重脩神宗實錄成安置范祖禹等於
遠州目蔡卞進神宗實錄於是祖禹及趙彥若黃庭
堅等並生詆誣降官安置末今湖廣澧州府澧州
黔鉅今四川重慶府彭水縣州遷下為翰林學士初禮部侍郎
陸佃預脩實錄數朔與祖禹等爭辨大要是安石為
之晦隱庭堅曰如公言蓋佞史也佃曰盡用君意豈
非謗書乎至是佃亦落職言者又以呂大防監脩神

臣史訪書

保甲法

宗實錄徙安州

見上居住。

綱乙亥二年春二月復保甲法

見七二卷二五

又七十卷三五

綱

四月置律學博士

冬十月鄧雍罷

以許將蔡卞

為尚書左右丞

綱贈蔡確太師諡忠懷

時確黨屢言確有定策功

會馮京卒帝臨奠確子渭京

壻也於喪次聞訴遂有是命綱貶監察御史常安民

監滁州酒稅目時蔡京深結中官張彥臣安民因論

之謂京姦足以惑衆辯足以飾非巧足以移奪人主

之視聽方足以顛倒天下之是否內結中官外連朝

士一不附已則誣以黨於元祐非先帝法必擠之而

常安民首
發蘇京之
議

綱鑑易知錄

卷一百一十三

二十三

後已。今在朝之臣。京黨過半。陛下不可不早覺悟而
逐之。他日羽翼成就。悔無及矣。是時京之姦始萌芽
人多未測。獨安民首發之。至是復論章惇頡國植黨
乞收主柄而抑其權。反覆曲折。言之不置。惇怒。御史

董敦逸論安民黨於蘇軾兄弟。會安民言事忤旨。惇

遂出安民監滁州。

今江南滁州

酒稅安燾救之不克。綱左

司諫張商英有罪免。

商英黨章惇以攻安燾帝不直之遂免

綱十一月

安燾罷。

燾救常安民章惇言燾與之表裏出知鄭州

綱貶范純仁知隨州。

綱時呂大防等竄居遠州。會明堂赦。章惇豫言此數

范純仁申
發諸賢

十人當終身勿徙。純仁聞之，憂憤欲申理。所親勸其勿觸怒，萬一遠斥，非高年所宜。純仁曰：「事至於此，無一人敢言。若上心遂回，所繫大矣。如其不然，死亦何憾。」因上言：「大防等所罪，亦因持心失恕，好惡任情，違老氏好還之戒。」老子上篇以道佐人主者，不以兵強天下，其事好還。言迭為勝負，循環之理，未有勝而不復者也。忽孟軻反爾之言，然牛李之禍。唐末牛僧孺李德裕之黨，禍也。僧孺之黨多小人，德裕之黨多君子。數十年淪胥。相陷也。詩小雅：無淪胥以敗。不解，豈可尚遮前軌，願斷自淵衷，原放大防等疏奏。章惇大怒，遂落觀文殿大學士，徙知隨州。見上卷十七。

綱丙子三年春正月韓忠彥罷綱二月女真見六五

伐紇石烈部阿疎阿疎奔遼發志女真漸強憑明陵中國之始也綱秋

七月竄范祖禹于賀州劉安世于英州目時劉婕妤

見四二專寵內庭章惇蔡京職拾也祖禹安世元祐

中諫乳媼見上事以為斥婕妤也於是坐二人構造

誣謗之罪謫授昭今廣西新見上州別駕賀今平樂

英見同州安置綱九月廢皇后孟氏目劉婕妤同后

朝太后於隆祐宮或撤婕妤座懟不復朝泣訴於帝

會后女福慶公主疾后姊持道家治病符水入治宮

廢皇后孟氏

中相傳厭煙入聲。魑也鬼魅也之端作矣。未幾后養母聽

宣夫人燕氏尼法端為后禱祠事。聞詔入內押班梁

從政等即皇城司鞠窮罪也之捕逮見十卷宦者宮

妾三十人。撈邦掠備至。獄成命侍御史董敦逸覆錄

罪人。敦逸秉筆疑未下。內侍郝隨等以言脇之。敦逸

畏禍乃以奏牘上。詔廢后為華陽教主。玉清妙靜仙

師法名冲真。出居瑤華宮。時章惇欲誣宣仁后高太后

有廢立計。以后逮事宣仁。又陰附劉婕妤欲請建為

后。遂與郝隨構成是獄。天下冤之。**綱**冬十月雷大雨

學文之弊
多襲原始

復罷春秋
科

去聲。電綱以襲原為國子司業。綱原少師王安石。安石之改學校法，常引原自助。原亦為盡力，及為司業，遂請以安石所撰字說、洪範傳及王雱論語、孟子義刊板傳學者。故學校舉子之文，靡然從之。其弊自原始。綱丁丑四年春正月，李清臣免。綱二月，追貶司馬光。呂公著等官復罷春秋科。綱流呂大防、劉摯、蘇轍、梁燾、范純仁等于嶺南。貶韓維等三十人。官大防道卒。綱三省言呂大防等為臣不忠，罪與司馬光等不異。頃朝廷雖嘗懲責而罰不稱，愆生死異罪，無以垂

拔取諸賢

示萬世遂取大防劉摯蘇轍梁燾范純仁安置於循

今廣東新見雷今廣東化今廣東高求今湖廣五州

劉奉世安置柳州今廣西韓維落職致仕再謫均州

見上卷安置王覲韓川孫升呂陶范純禮趙君錫馬

默顧臨范純粹孔文仲王欽臣呂希哲呂希純呂希

績姚緬吳安詩秦觀十七人遠州居住王攽賓落職

致仕張來昆補之賈易並監當官朱光庭孫覺趙

禹居李之純杜純李周並追奪官秩葉濤當制文極

醜詆聞者切齒時壽已卒大防行至虔州今江西信

豐今贛州府信豐縣

而卒天下惜之既而蘇軾自惠州

初軾貶英

州未幾惠州安置

徙昌化軍

治廣東瓊州府儋州

范祖禹自賀州

見徙

賓州

今柳州府賓州

劉安世自英州

見

徙高州純仁時因疾

失明聞命怡然就道或謂近名純仁曰七十之年兩

范純仁不
避好名之
嫌

目俱喪萬里之行豈其欲哉但區區之愛君有懷不
盡若避好名之嫌則無為善之路矣諸子欲以與司

范純仁曉
諸子

馬光議役法不同

見上卷二九

為請冀得免行純仁曰吾

用君實薦以致宰相昔同朝論事不合則可汝輩以

為今日之言則不可也有愧心而生不若無愧心而

范純仁在
道覆舟

而死。其子乃止。每戒子弟不可小有不平。聞諸子怨

章。必怒止之。及在道。舟覆。福於江。純仁衣盡溼。顧

諸子曰。此豈章惇為之哉。綱降太師。致仕。文彥博為

太子少保。言者論其朋附司馬綱。閏月以曾布知樞

密院事。林希同知院事。許將為中書侍郎。蔡卞黃履

為尚書左右丞。廣鳴呼。元祐常懷與夫太師諸賢非

而傷害。必致其極。義捐館則告老致仕。惇舍此可也。

不能。屢雪之。集是知也。蓋羣陰州事非絕。蔽陽光

祭卜諸賊之地哉。學者註音線。嚴雪之始。疑者

比而觀之。其義見矣。註音也將大雨雪。必先微溫。雪

則大雪矣。詩小雅如彼。雨雪。九集維震。初附章

許將隨訪
元祐諸臣

惇。覲。

記。希幸也。

惇引居同省。故草惇制。極其稱美。復贊

紹述甚力。惇忌之。處於樞府。由是稍不相能。不相善也。時

章惇蔡卞同肆羅織。

見四六卷十二。

貶謫元祐諸臣。欲舉漢

唐故事。誅戮黨人。帝以問將。將對曰。二代固有之。但

祖宗以來。未之有。本朝治道。所以遠過漢唐者。以未

嘗輒戮大臣也。帝深然之。綱。三月。詔中書舍人蹇序

辰等編類司馬光等章疏。目章惇議遣呂升卿董必

察訪嶺南。將盡殺流人。帝曰。朕遵祖宗遺志。未嘗殺

戮大臣。其釋勿治。惇志不快。於是中書舍人蹇序辰

薛昂林自
乞毀資治
通鑑板

上疏言。司馬光等變亂典刑。改廢法度。其章疏案牘。
散在有司。若不彙緝而藏之。歲久必致淪棄。願選官
編類。人爲一帙。置之二府。中書樞密以示天下。後世之大
戒。章惇蔡卞請卽命序辰及直學士院徐鐸編類。由
是縉紳之士。無得脫禍者矣。卞黨薛昂林自又乞毀
司馬光資治通鑑板。太學博士陳瓘因策士引神宗
所製序文以問。昂曰。議沮得免。綱夏五月。潞公文彥
博卒。山彥博逮事四朝。任將相五十年。名聞四夷。平
居接物。謙下尊德。樂善如恐不及。其在洛也。洛人邵

雍程顥兄弟皆以道自重賓接之如布衣交立朝端

重公忠直諒臨事果斷有大臣之風功成退居朝野

倚重卒年九十二追復太師諡忠烈綱秋八月彗星

見五卷見西方綱冬十月以邢恕為御史中丞追貶

王珪為萬安軍司戶參軍綱十一月梁燾卒于化州

上見綱編管程頤于涪浮州目頤時放歸田里帝一日

與輔臣語及元祐政事曰程頤妄自尊大在經筵多

不遜於是言者論頤與司馬光同惡相濟削籍竄涪

德立市易

州今四州重河南尹李清臣即日追遣綱復立市易

務見上卷二十六
國十五月

于新州
見

